



REPUBLIKA E SHQIPËRISË

**AUTORITETI I KONKURENCËS
KOMISIONI I KONKURENCËS**

Nr. 655 / prot.
2

Tiranë, më 21.11.2022

VENDIM

Nr. 922, Datë 21.11.2022

**“PËR DHËNIEN E DISA REKOMANDIMEVE ENTIT RREGULLATOR TË UJIT
MBI APLIKIMIN PËR MIRATIMIN E NIVELIT TARIFOR PËR NDËRMARRJEN
UJËSJELLËS KANALIZIME ELBASAN SHA”**

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Rezana KONOMI	Anëtar
Z.	Durim Kraja	Anëtar

Në mbledhjen e tij të datës 21.11.2022, shqyrtoi çështjen me:

Objekt: Dhënie e disa rekomandimeve Entit Rregullator të Ujit (ERRU) mbi aplikimin për miratimin e nivelit tarifor për ndërmarrjen Ujësjiellës Kanalizime Elbasan SHA.

Bazë ligjore: Neni 24, germa (d) dhe (f); neni 26; neni 69 dhe 70 të ligjit nr. 9121, datë 28.07.2003 “Për mbrojtjen e konkurrencës”.

Komisioni i Konkurrencës pas shqyrtimit të:

- Relacionit mbi aplikimin për ndryshimin e nivelit tarifor për Ujësjiellës Kanalizime Elbasan SHA.

VËREN SE:

1. ERRU nëpërmjet shkresës nr. 524 prot., datë 04.11.2022, shoqëruar me relacionin shpjegues përkatës, informon Autoritetin e Konkurrencës se me Vendimin e Komisionit Kombëtar Rregullator (KKRR) nr. 323 datë 14.07.2022, ka filluar procedurën për shqyrtimin e aplikimit për miratimin e nivelit tarifor të ndërmarrjes Ujësjiellës Kanalizime Elbasan SHA, e cila ka propozuar me anë të projekt-vendimit, të aplikojë miratimin e nivelit të ri të tarifave të shërbimit të furnizimit me ujë të pijshëm, largimin e ujërave të ndotura dhe tarifatat fikse në të gjithë zonën e shërbimit pas riorganizimit.
2. Bazuar në ligjin nr. 8102, datë 28.03.1996 “Për kuadrin rregullator të sektorit të furnizimit me ujë dhe largimit e përpunimit të ujërave të ndotura”, i ndryshuar, si dhe aktet nënligjore të dala në zbatim të tij, ERRU nëpërmjet strukturës së saj vendimmarrëse, Komisionit Kombëtar Rregullator ka kompetencë të miratojë emimet dhe tarifatat e shitjes së ujit me

shumicë dhe pakicë, tarifat për ujërat e përdorura dhe tarifat e trajtimit të tyre, afatet dhe kushtet e shërbimit, të ofruara nga operatorët, që sigurojnë ujë për konsum publik edhe në rastet kur sistemet e ujësjellës kanalizimeve kanë kaluar në administrim ose në pronësi të njësive të qeverisjes vendore.

3. Bazuar në parashikimet e nenit 21 të ligjit nr. 8102, datë 28.03.1996 “Për kuadrin rregullator të sektorit të furnizimit me ujë dhe largimit e përpunimit të ujërave të ndotura”, i ndryshuar, ERRU duhet të mbrojë konsumatorët nga çmimet monopol, të inkurajojë efikasitetin ekonomik brenda sektorit, duke dhënë sinjale të sakta të çmimeve në lidhje me ofertën e tepërt apo të paktët, të pasqyrojnë ndryshimet në kosto dhe në aspekte të tjera midis kategorive të klientëve dhe llojeve të shërbimit dhe të aplikojë politika rregullatore të subvencionimit ndërmjet këtyre kategorive.
4. Bazuar në parashikimet e nenit 22 të ligjit nr. 8102, datë 28.03.1996 “Për kuadrin rregullator të sektorit të furnizimit me ujë dhe largimit e përpunimit të ujërave të ndotura”, ERRU përcakton metodologjinë e përlllogaritjes së tarifave të shitjes me shumicë dhe pakicë, të ujit për konsum publik, tarifat për ujërat e përdorura dhe trajtimit të tyre, ndërkohë që procedura për vendosjen e tarifave fillon me propozimin e bërë nga i licensuari, dhënia e mendimit nga njësitë e qeverisjes vendore përfundon me miratimin përfundimtar të tarifave nga ERRU.
5. Ndërmarrja Ujësjaellës Kanalizime Elbasan SHA është licencuar me Vendimin e KKRR nr. 91 datë 28.07.2020, për të kryer shërbimin e furnizimit me ujë të pijshëm dhe të largimin e ujërave të ndotur për Bashkinë Elbasan.
6. Bazuar në VKM-së nr. 63, datë 27.01.2016 “Për riorganizimin e operatorëve që ofrojnë shërbimin e furnizimit me ujë të pijshëm, grumbullimin, largimin dhe trajtimin e ujërave të ndotura, ndërmarrja Ujësjaellës Kanalizime Elbasan SHA aplikon për miratimin e një niveli të ri të unifikuar për tarifat në të gjithë zonën e shërbimit, për shërbimin FU dhe për shërbimin KUN për klientët familjarë, publikë dhe privat. UK Elbasan SHA aktualisht aplikon tarifa të miratuara me Vendimin nr. 14 ,datë 27.12.2005 për zonën e qytetit të Elbasan dhe ish-komunën Bradashesh, edhe për zonën e fshatit aplikon tarifat sipas Vendimit nr. 19, datë 12.05.2015. Këtyre vendimeve aktuale të tarifave ju ka kaluar afati, pasi kanë mbi shtatëmbëdhjetë vite që zbatohen për zonën e qytetit dhe rreth shtatë vite për zonën fshatit.
7. Ndërmarrja synon ndryshimin e tarifave aktuale në një nivel të ri tarifor, për të gjithë zonën e shërbimit, për të realizuar saktësimin e të dhënave të regjistruara, të raportuara dhe vendosjen e detyrave me synimin e rregullimit të variablave dhe treguesve të performancës për një mbulim të kostove operacionale mbi 80% gjatë vitit 2023, si edhe për faktin se 90% e ujit të prodhuar për furnizimin e popullsisë është me ngritje mekanike dhe si e tillë realizohet me energji elektrike, kur çmimet janë rritur.
8. Aktualisht Ujësjaellës Kanalizime Elbasan SHA pas riorganizimit të bashkisë kërkon miratimin e tarifave në një nivel të ri të arsyeshëm dhe të përballueshëm.

9. Informacioni mbi aplikimin si dhe Vendimi i KKRR nr. 323, datë 14.07.2022 “Për fillimin e procedurës për shqyrtimin e aplikimit për ndryshim të tarifave të shoqërisë Ujësjetllës Kanalizime Elbasan SHA”, janë bërë transparente në faqen zyrtare elektronike të ERRU-së.
10. Ndërmarrja Ujësjetllës Kanalizime Elbasan SHA ofron shërbimin e furnizimit me ujë me treguesit e performancës, përkatësisht: mbulimi me shërbim furnizimi me ujë në nivelin 71.55% të popullsisë në zonën e juridiksionit të saj, shërbimin e largimit të ujërave të ndotura për 56.95% të popullsisë, uji pa të ardhura në nivelin 73.87%, norma korrente e arkëtimit në 76.6%, operon me 2.35 staf/1000 lidhje dhe me të ardhurat e gjeneruara mbulon 82.75% kostot e O&M.
11. Niveli tarifor i propozuar nga ERRU, është pothuajse në të njëjtat nivele me ato që shoqëria propozon, duke synuar dhe përmbushur kriteret e mëposhtme:
- Unifikimin e tarifave volumetrike për FU;
 - Unifikimin e tarifës fikse për të gjithë klientët;
 - Tarifat volumetrike për shërbimin e KUN;
 - Mbulimin 75.95% të kostos totale të nevojshme për ofrimin e shërbimit të furnizimit me ujë;
 - Mbulimin e kostove totale për shërbimet e ofruara UK në nivelin 67.46% për vitin 2021 me të ardhurat e faturuara nga UK;
 - Përmbushjen e kriterit të përballushmërisë për faturën mujore të konsumatorit familjar me matës dhe pa matës.
12. Ujësjetllës Kanalizime Elbasan SHA është një ndërmarrje e riorganizuar, që aplikon për herë të parë pas riorganizimit dhe sipas kësaj metodologjie bën pjesë në grupin e ndërmarrjeve që nuk arrijnë të mbulojnë kostot e operim & mirëmbajtjes dhe objektivi i saj është fillimisht mbulimi i kostove O&M, duke synuar mbulimin e kostove të amortizimit, kostot e energjisë për vitin 2022 dhe 2023.
13. ERRU e gjykon të argumentuar nivelin tarifor për të dy shërbimet të propozuar nga ndërmarrja Ujësjetllës Kanalizime Elbasan SHA.
14. ERRU në këtë aplikim ka propozuar tarifa në rritje graduale, pas shtatëmbëdhjetë vjetësh të miratimit të tyre, propozimin e tarifave të bëra nga ndërmarrja Ujësjetllës Kanalizime Elbasan SHA e përqendron në aplikimin me saktësi të të dhënave të regjistruara dhe të raportuara duke vendosur dhe detyra ndaj UK Elbasan SHA me synim e rregullimit të variablave që llogarisin treguesit kryesorë të performancës, krijimin dhe mirëmbajtjen e sistemeve të informacionit teknik dhe financiar në përputhje me metodologjinë e vendosjes së tarifave për të mundësuar verifikimin e të dhënave, si edhe vendosjen e matësave për klientët në zonat rurale të cilët faturohen afrofe, në mënyrë që të paguajnë sasinë e ujit që konsumojnë.
15. Propozimi gradual i ERRU, për tarifën merr në konsideratë edhe nivelin të ulët të normës korrente të arkëtimit rreth 76.6%, e cila identifikohet si treguesi më problematik për shkak

se ndërmarrja Ujësjetllës Kanalizime Elbasan SHA nuk arrin të grumbullojë të ardhurat e saj dhe për këtë arsye duhet të jetë fokus kryesor në politikat e menaxhimit të ndërmarrjes.

16. ERRU në analizën ekonomiko-financiare të saj, ka analizuar drejt dhe ka marrë në konsideratë vetëm kostot e justifikuara të paraqitura nga ndërmarrja Ujësjetllës Kanalizime Elbasan SHA, të cilat përcaktojnë nevojat për të ardhura të ndërmarrjes si faktori bazë përcaktues në procesin e miratimit të tarifave si dhe ka përcaktuar objektivat e performancës tekniko-financiare të shoqërisë.
17. Për përmirësimin e performancës financiare dhe të cilësisë së shërbimeve ndaj konsumatorëve, ndërmarrja Ujësjetllës Kanalizime Elbasan SHA, duhet të aplikojë tarifa të orientuara drejt kostos së shërbimeve.

PËR KËTO ARSYE:

Komisioni i Konkurrencës, bazuar në nenin 24, germa (d) e (f), nenin 69 dhe nenin 70 të ligjit nr. 9121, datë 28.07.2003 “Për mbrojtjen e konkurrencës”,

VENDOSI:

- I. T’i rekomandojë Entit Rregullator të Ujit, që tarifat e ndryshuara që do të miratohen nga ERRU për ndërmarrjen Ujësjetllës Kanalizime Elbasan SHA, të jenë të orientuara drejt kostos së shërbimeve, të jenë të bazuara në parimin e mosdiskriminimit dhe të jenë transparente në faqen e ERRU-së.
- II. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.


KOMISIONI I KONKURRENCËS

Leida MATJA

Zv/Kryetar

Rezana KONOMI

Anëtar

Durim KRAJA

Anëtar

Denar BIBA

Kryetar